

Landesbibliothek Oldenburg

Digitalisierung von Drucken

**Bibliotheca Smithiana, Seu Catalogus Librorum D. Josephi
Smithii Angli Per Cognomina Authorum Dispositus**

Pasquali, Giovanni Battista

Venetiis, 1755

Epistolae Graecanicae.

urn:nbn:de:gbv:45:1-844

EPISTOLÆ GRÆCANICÆ.

Venetiis, apud Aldum, MCCCCXCIX.

Aldus Manutius Romanus [1] Antonio Codro Urceo S. P. D.

Collegimus nuper, CODRE doctissime, quotquot habere potuimus græcas Epistolas, easque typis nostris excusas, duobus libris publicamus, præter multas illas Basilii, Gregorii, & Libanii, quas, cum primum fuerit facultas, imprimendas domi servamus. Auctores vero, quorum Epistolas damus, sunt numero circiter quinque & triginta, ut in ipsis libris liceat videre. Has ad te, qui & latinæ & græcæ litteras in celeberrimo Bononiensi gymnasio publice profiteris, muneri mittimus, tum ut a te discipulis ostendantur tuis, quo ad cultiores litteras capeffendas incendantur magis, tum ut apud te sint Aldi tui *μημόστυρον*, & pignus amoris. Vale.

Venetiis, quintodecimo Calendas Martias, M D.

[1] „ Natus sum ex Cortesio & Gerardina parentibus modicis. (ann. 1442.) Herberia oppidulum agri Regiensis mihi est patria. At illud mihi inter minima non est reputandum, quod mihi in celeberrima studiorum, ac litterarum Urbe doceri contigit Ferraria, sed ab eo institui qui linguæ latinæ, græcæque decus Baptistæ Guarini Veronenfis filius. Adde & illud quod patriæ tuæ (Forlivi) publicus litterarum præceptor decem annis fui, tanto stipendio, quanto ante me fortasse nullus. Ex patria demum tua, seu nostra (nam pro Forliviensi potius appellor & cognoscor, quam Herberienfi) tandem Bononiam me recepi, ubi ad lectionem grammaticæ & rhetorices publice conductus fui &c. Hæc de seipso Urceus in Epist. ad Eugen. Mengum Bononiæ edita cum ceteris ejusdem Urcei Opp. per Platonem de Be-

nedictis 1502. fol. Quæ vero de causa Codri cognomentum Urceo daretur, ita rem enarrat *Bartholom. Blanchinus* in vita quam de ipso contexit, ediditque: *Accidit fortè cum Forlivi (Urceus) esset ut Princeps Pinus (Ordellanus) Urceo se commendaret in via forte sibi obviam facto; cui Antonius subridens: Dii boni, inquit, Jupiter Codro te commendat. Hinc omnes eum, mutato nomine, Codrum appellaverunt.* Et ipse Bononiæ moriens anno ætatis suæ LIV. asthma suffocatus, sepulcrum hac tantum Epigraphæ indicari voluit: CODRUS ERAM. Inexorabilis ingenii fuisse perhibent, obstinatoque supra omnes animo; ira insuper urgente, impium & prope amentem. Frequentissime sales, jocos, lepores, facetiasque, & nonnumquam turpiuscula & obscœna seriis intermiscibat, vel si mavis seria semper, scurriliter jocando, docebat.

A D D E N D A.

Præfationes tres, quæ sequuntur, typothetarum oscitantia suo loco derurbatas, etsi (ut ajunt) extra chorum, hic tamen subnectendas curavimus, ne quid deesse, quod desiderari posset ab eruditissimis Lectoribus, jure culparemur.